

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3622 del 02/12/2025

Da vorgännate stadjong hâmda gesek in Boletì von lavìn 5,7 mildjü laüt, von vraitä atz 28 von bintmânat barta bidar khemmen auzgèt

In Trentino barta bidar âhevan auzzogiana dar boletì von lavìn

[Cimbro] Dar boletì von lavìn von Euregio, boda dekht Südtiról, Trentino un Tiról geat auz vor da acht bintar stadjong. Aniaglan tage khinta khött bia ma sait gelekk pinn lavìn vor di 24 urn un vor alle drai di Lentar. Nidargelekk pittnândar von drai dianst vor di lavìn von drai lentar von Euregio, dar boletì khint geschribet in simm zungen un zbisnen disan taütsch, belesch un inglés.

In Trentino hattz gesnibet djüst vor da earst bötta in disa stadjong. In di vorgännatn tage hattz gesnibet sin züntrest in teldar, 'z hatt nèt gemacht kisa biavl snea, ma aftz zèrte saitn iztasan khent sin an halm mètro. Dar starch bintn au hoach afte zimmen hatt ummargetribet in snea, asó aftz zèrte saitn iz gestânt plèkhant un aftz ândre hattz gemacht schäulane binthauvan. Di laüt boda gian pa pèrng un khennesan drinn schöllatn hërta stian vort bait vo disan binthauvan, ombrómm 'z iz iantrar azzase nidarmolàrn un vângen untar berda sèmm iz.

In disa djarzait, vor berda macht ski alp iz bichte stian au pinn oarn ombrómm 'z ventzarnda au skaffan un khnottn (sharks), berda, anvétze, geat lai zo vuaz inn pa pèrng mocht stian atento nèt zo slipfa ombrómm 'z iz dèstar vennen ais afte staing. Dar boletì in di bintar mânat izzese gezoaget mèchte bichte zo bizza djüst bia 'z izta di zait un dar snea, saiz vor di sèlln boda gian pinn skin saiz vor da zivìl schütz. Da vorgännate stadjong, dar boletì iz khent gesek in gântzan vo 5,7 mildjü laüt machante asó an naüng rèkord.

In bintar boda khint makma gian z'sega in boletì von lavìn von Euregio darzuar dar websait www.valanghe.report aftz web-push un Telegram o. Darzuar aftz www.valanghe.report makma gian z'sega di boletìn von lavìn von ândarn européan dianst o.

Übarsetzt von Schaltarle vor di zung von Toalkamou vodar Zimbar Hoachebene

(cdt)